


Guaraní





ÑEPYRŪRĀ: MITĀRUSU, MITĀKUÑA, KUÑAKARAI, KARAI

Péina Ministerio de Educación y Cultura omoñ nde pópe ko aranduka nepytyvõtava ñane avañe'ẽ jaipurukuaave haãua ha ñande aguara haãua heseve pe jaikoha rupi.

Ne mbo'ehára nepytyvõta rejapo haãua tembiapo iñepyrumbýpe oïva, ága ne añoi-te remoñe'ẽkuaa peve.

Nderehéntema oï pya'evéntema ndekatupyrývo rehai ha remoñe'ẽ haãua guaraníme: upevarã, remba'apo kyre'ýva'erã ha rejapo tembiaporã ome'ëva ndéve ne mbo'ehára, ha avei, rembojo'ave nde ikatumiháicha rehekávo katupyry reñe'ẽ ha rehaikuévo.

Iporã avei rehecha mba'eichaitépa ikatu ñamyasãive ñe'ẽ guaraní jepuru oparupi, umi jaikoháre. Tove tojeikuuaa ikatuha jaipuru guaraní opavave mba'e rehe ñañe'ẽ haãua ha ikatuha jahai opaite mba'e jahaiséva ko ñane ñe'ëme.

Eñeha'ãke ne mbo'ehaokotýpe toñ guaraní ñe'ẽ rehuela.

Ha ipahaitépe, ko arandukápe oïva ningó penepytyvõmi haãuante; peñ ikatuve hetaité tembiapo pejapove pendekatupryvévo pehóvo.

Iporã reikuaami, mba'épa oñeha'arõ ndehegui ko ary kóvape:

Hesakã ichupe ohendúva ha ijehegui oikuaaukakuaa hemiandu ha hemimo'ã oipurukuévo ñe'ẽ hasy'ýva rehuela; upekuévo oipuru hekopete ñe'ënguéra. Avei ohaiñepyrú guaraníme mbykymi oipurúvo hendapete tai ha ñe'ënguéra.

Oñondive jajepytaсо ramo, ikatu hína jaha mombyryve ko he'ívagui!!

MBA'ÉICHAPA OÑEMOHENDA KO ARANDUKA.

Hyepýpe ko aranduka oguerekpo mbo'epyrã aty rehigua umiape oĩ tembiaporã, ikatuhaguaicha nde katupyrýve eñemongetahápe avei ehai ha emohesakã haãua jehaipyre.

Ikatu haãuaicha remba'apo porã ko arýpe tekoteve reikuaami koã ta`anga'i omohendáva ñande rembiapo.



Ñañepyru
haãua



Jajesarekomi
haãua



Jaikuaave
haãua



Ñamba'apo
ñane añomi



Ñamba'apo
oñondivepa



Jahechauka
haãua arandu
mbo'epy rehigua

KATUPYRYKUÉRA OJEHUPYTYVA'ERÃ PRIMER CICLO PE COMPETENCIAS

Hesakā ichupe ohendúva ha ijehogui oikuaaukakuaa hemiandu ha hemimo'ã oipurukuévo ñe'ẽ hasy'ýva rehegua; upekuévo oipuru hekopete ñe'ënguéra. Avei ohaiñepyrū guaraníme mbykymi oipurúvo hendarpete tai ha ñe'ënguéra.

CAPACIDADES

Ikatupyry ohendukuaa ha oñe'ëkuaa haäguá

Ohendukuaa	<p>Hesakā ichupe ohendúva:</p> <ul style="list-style-type: none"> • Oha'ã mba'érehepa oñe'ẽne texto ohendútava. • Omohesakā porã mba'épa he'ise ñe'ẽ ipyahúva ichupe. • Hesakā porã ichupe mba'etépa he'ise ñe'ẽ ohendúva, ikatúgui umíva ojepuru ambueháicha avei. • Oikuua porã mba'emba'érepa oñeñe'ẽ texto (moñe'érã, ñe'ëpoty, purahéi...) ohendúvape ha oguenohékuaa ichugui ikarakukuete. • Moñe'érã ohendúvagui, ohekýikuua: mavamávapa ojapo, mba'épa ojapo, mba'éichapa heko, moõpa ha araka'épa oiko oñemombe'úva • Ohechakuaa mba'épa oñandu umi oñeñe'ëvare texto pe ohechakuarupi ñe'ëryrýi, ñe'ësoso, ñe'ëkunu'ũ ha mba'e. • Oikuua mba'eraëpa ojehu ha hapykuéri omohenda hekopete umi ojehúva uperire, oñemombe'uhaguéicha. • Ohechakuaa umi oñemombe'úvapa oiko gueteri avei ko'ága rupi teräpa nahániri. • Iñakägui omohu'ã ambueháicha ohendúva ha omohesakā mba'érepa ojapo upéicha.
------------	---

	<p>Iñe'ẽ katu</p> <ul style="list-style-type: none"> • Omombe'u porã mba'emba'épa ojapo jepi arako'ẽre. • Imandu'a ha omombe'u káso, maravichu, mombe'urã ha mba'e. • Oñomongeta iñirünguéra ndive ha he'i hemiandu oporapo'i terã oñembohory'ŷre hapicha remiandúre. • Omoğuahẽ hapichakuérape hemiandu ha hemimo'ã ohecháva rehe ta'angápe, térra moñe'ẽrã ohendúva rehe. • Oñomongeta iñirü ndive oipurukuévo ñe'ẽ momaitei rehigua, jekuaauka rehigua ha ñe'ëndy ogaygua rehigua avei. • Omombe'u mba'éichapa oñe'ẽ, oñemonde, oñemongu'e ha mba'e umi jahecha tapiáva ta'angambyrýpe terã jaikoha rupi • Omohenda porã omombe'úva oñepyrühagui opa peve. • Imandu'a ha omombe'u jey mba'e rehepa oñeñe'ẽ ha oñeñomongeta hína kuri omoambue'ŷre mba'eve omombykykuévo. • Ojapo ijehogui, iñakäguinte mombe'urã ha mba'e.
Ikatupyry ohai ha omohesakã hağua jehaipyre	
Jehaipyre ñemohesakã	<p>Hesakã ichupe omoñe'ẽva</p> <ul style="list-style-type: none"> • Oha'ã mba'e rehepa oñe'ẽne kuaitiahai. • Ohechakuaa pe kuatahípa mba'éichagua (receta, pohã rehigua, ñe'ẽpoty, memorándum, ha mba'e). • Omohesakã mba'épa he'ise ñe'ẽ ipyahúva ichupe moñe'ẽrãme. • Ohechakuaa kuatiahapirégui: mavamávapa ojapo, mba'épa ojapo, mba'éichapa heko, moõpa ha araka'épa oiko pe oñemombe'úva . • Ohechakuaa umi oñemombe'úva jehaipyrépepa ikatu oiméne ojehu terãpa oñeimo'ãreiva reheguánte . • Omohenda porã omombe'úva oñepyrühagui opa peve.
Ohaikuaa	<p>Ohaikuévo:</p> <ul style="list-style-type: none"> • Ombojoaju taikuéra hyapu ndive ohaikuévo. • Ohaikuévo, oñeha'ã ilétra ohaijoja porã. • Ohai porã jehaipyre oipurukuévo hekopete muanduhe, taikuéra, tîgua rechaukaha ha mba'e.

MBO'EPYRÃ ATY PETEĨHA

GUARANI KO'AĞAGUA

Ko mbo'epyrã atýpe, temimbo'e ikatupyrýta ko'ã mba'épe:

Ohendukuaa ha oñe'ẽkuua:

- Oñomongeta iñirũ ndive oipurukuévo ñe'ẽ momaitei rehegua, jekuaauka rehegua ha ñe'ẽndy ogaygua rehegua avei.
- Omoguahẽ hapichakuérape hemiandu ha hemimo'ã ohecháva rehe ta'angápe, terã moñe'ẽrã ohendúva rehe.
- Oha'ã mba'erehépa oñe'ẽne texto ohendútava.
- Omohesakã porã mba'épa he'ise ñe'ẽ ipyahúva ichupe.
- Hesakã porã ichupe mba'etépa he'ise ñe'ẽ ohendúva, ikatúgui umíva ojepuru ambueháicha avei.
- Ohechakuaa mba'épa oñandu umi oñeñe'ẽvare textope, ohechakuaarupi ñe'ẽryrýi, ñe'ẽsoso, ñe'ẽkunu'ũ ha mba'e.



Ñañepyrũ hağua:

Jajesarekomi ta'angakuérare:



Ñaromongeta

- Reñe'ẽ jepi guaraníme? Mba'éichahápe?
- Máva oipuru guaraní pe reikoháre?
- Guaránime piko ikatu ñañe'ẽ opaite mba'ére?
- Mba'éicha reñeñandu reñe'ëramo guaraníme?



Ñamba'apo oñondivepa

Ñañembyaty mbohapy oñondive ha ñamaña ta'angakuérare ñambohovái hağua porandu hesegua:

- Mba'emba'e jahecha ta'angakuérape?
- Mba'e ñe'ẽ oipuru hikuái hína, ndéve ñuarã?
- Ndépa ere oñe'ëha guaraníme meme hikuái teräpa nahániri?

Ñañombyatypa oñondive mbo'ehaokotýpe ha ñañomongeta oñondivepa. Ñañeha'ã tove opavave toñe'ẽ ha nañaiméirõ he'íva rehe ñahendupa rire, ñamohesakã ja'eseva'ekue ja'apo'i'ŷre avavépe.

Ko'ava jahechakuaáta ñañe'ënguévo:

- Ñañe'ëta guaranimeme.
- Ñañeha'ata ñañe'ẽ ñambojeh'e'a'ŷre.
- Tekotevëtereírõnte jaipurúta ñe'ẽ ambue.
- Ñañeha'ata jaipuru ñe'ẽ jarrepeti'ŷre. Jaheka ñe'ẽ ojoguáva he'isévape.



Jahechauka hağua arandu mbo'epy rehigua

Opa rire ñane rembiapo, oñondive jahechami jahupytyá umi ja'eva'ekue jahechakuaataha ñañe'ënguévo. Oimérõ ndajahupytyi jahechami mba'éichapa ikatu jaha poräve hese.

Tembiaporã:

- Aporandúta che rogaygukuérape mba'éicha javéröpa oipuru guaraní.
- Aporandúta avei chupekuéra mba'épa he'i pe guaranípa ikatu ojeipuru opavave mba'ére oñeñe'ẽ hağua.
- Ikatu avei aporandu che rogaykereguápe.



Jajesarekomi haǵua:

Ñane retā oguereko mokōi ñe'ẽ ojekuaáva "Lenguas oficiales" ramo. Mokōi-véva, he'íháicha ñande Léi Guasu, opavave ñane retāme oikóva oikuua ha oipurukuaava'erã. Heta arýma guaraní oñemboyke ha paraguaigua oñe'ẽva guaraníme oaprendemante'arã castellano ikatu haǵua ojapo heta mba'e. Oĩ he'iva guaraní ogapypeguanteha voi ha ñe'ẽpotyperánteha. Ndaupéichai, añetehápe. Opavave ñe'ẽ oīva yvyape ári ikatu ojeipuru opavave mba'e rehe oñe'ẽ haǵua. Oimérō tekotevē, guaraní rehe oñemba'apomínte'arã iñe'ẽnguéra ojepysove haǵua ha jai-puru ñañe'ẽ haǵua opárupi ha opa mba'éré. Iporã reikuaami avei ramoite ñane retā oguerekoha Ley de Lenguas ikatu oipysyrôtava ñane ñe'ẽnguéra imbaretewe haǵua hikuái.



Ñañepyrū hağua:

Ñanemandu'ami maiteikuéra rehe guaraníme ha ñañomoneta oñondive:



Ko'ẽ



asaje

Pyhareve - pyhareve asaje



Ka'aru



Pyhare

Ñañomoneta maiteikuéra jaipurúva pyhareve guive pyhare peve. Ja'emi ojoguápa maitei ojepurúva castellánope teräpa nahániri. Mba'épe ojoavy hikuái.



Ñamba'apo ñane añomi

Ñambohovái ko'ã maitei. Ñañomonetami upekuévo:

- ▶ Mba'éichapa neko'ẽ..... Ha nde?
- ▶ Mba'éichapa ndepyhareve:.....Ha nde?
- ▶ Mba'éichapa ndeasaje:.....Ha nde?

- ▶ Mba'éichapa ndeka'aru:.....Ha nde?
- ▶ Mba'éichapa ndepyhare.....Ha nde?
- Iporā ñañomoirū ha ñañomongeta jaipurukuévo ñe'ẽ momaitei rehigua, ha jahechakuaa ojoavyha maiteikuéra castellano pegoágui. Ne'ẽ guaraní heko peteiháicha oĩ rupi ipype kuaatyeta imba'énteva omoambuéva ichupe.
- Ñanemandu'ami avei ñe'ënguéra jaipurúva jajekuaauka hañua:
- Ñamami ta'angáre:



- | | | |
|---------------------|--------------------------|--------------------------|
| - Mba'éichapa? | - Che Luqueyguá. Ha nde? | - Cheréra Mirta. Ha nde? |
| - Iporãnte. Ha nde? | - Che San Pedrogua. | - Che cheréra Raquel |
| - Iporãnte avei. | | |



Jaikuaave hañua:

- Ñaporomomaitei jave, iporā ñamaña ñande rapicha resáre ha japukavymi. Jajopykuévo ipo, jajopy poráva'erā, upéicha ramo, ja'ehína ichupe ikuatuhá ojerovia ñanderehe. Japoko kyhyje guasúrō katu, ja'e hína ñande rapichápe ndojeroviái'aráha ñanderehe.
- Nañahenduporáirõ héra, nañatíri'arã ñaporandu jey hañua; ikuatúrõ, jaguerekó'a'rã ñane akáme héra; opavave oñeñandu porã oñeñehníramo ichupe heraite rupive.



Ñamba'apo oñondivepa

Ñañomoirū ñañomongeta hañua:

- Ñaporomomaiteirãe.
- Ja'e ñande réra ha ñaporandu avei ichupe.
- Upéi, ñañomongeta mbykymi ñaporandúvo oñe'ëkuaápa guaraníme.

Upéva oiko aja, oïta ñane irú apytépe ojapysakáva ñanderehe ha upéi he'ítava ñandéve mba'éichapa ñañomongeta ha'e ohechaháicha.



Ñañepyrū hañua:

Ñamaña porāmi ko'ága ta'angakuérare ha ñanemandu'ami mba'éichapa jaipuru ñande rogayguakuéra rehegua rára:

Kuña ha kuimba'e oipurúva




Jaryí

Taita

Tamói/ramói abuelo



Sy Túva



Temiarirō/remiarirō

tovaja

uke'i

Ko'áva ko'á ñe'ẽ ikatu oipuru kuña ha kuimba'e.

Ñe'ẽ kuñánte oipurúva:



Ména.
Che ména.



Memby
Che memby



Memby'anga.
Che memby'anga.



Tykéra.
Che ryke.
(tuichavéva chugui)




Kypy'y
Che kypy'y
(michivéva ichugui)



Kyvy
Che kyvy
(tuichavéva ha michivéva-
pe, peteñcha)

*Kuñánte avei
oipuru: Menarã*

Ñe'ẽnguéra Kuimba'énte oipurúva:



Toñomongeta oñondive ko'ã ta'anga. Ñande ja'e oñondive, oñoirũ, mba'épa he'i ojupe:

Jaipurúta maitei ha ñe'ẽ ñande rogaygua rehegua.





Namba'apo oñondivepa

Ñahendu ñane irūnguéra oñe'ẽramo ha ñamoinge ñane akāme umi ñe'ẽ oiméro ndajaikuaái terã ndajaipuruguasúi jaipurúgui castellanoguigua ñe'ẽ.

Ñaipytyvõ ñane irūme jaechakuaávo hendive mba'éichapa oho hembiapo.



Jaechauka hañua arandu mbo'epy rehegua

Pytyvõhára ñanepytyvõ ohechakuaávo ñane rembiapópe:

- Ñañeha'ápa ñañe'ẽ guaraníme meme.
- Ñañeha'ápa ani ñambojopara rei natekotevëihápe.
- Jaipurúpa hendápe ñe'ẽ maitei rehegua.
- Jaipurúpa kuña ha kuimba'eháicha, ñe'ẽnguéra ñande rogapýre rehegua.
- Ñañe'ẽvopa ñande rory, ñamaña ñane irū rehe ha ñañeha'ã toñeñandu porã.

Ñahendumi pytvõhára omoñe'ẽrõ ñandéve moñe'ẽrã. Jajepysaka poräke hese jaikuaa haõua mba'éichagua temiandúpa oĩ ipype. Ñanemandu'áke ñahendúvare. Upéi ñamba'apota ñane akäme optyávagui ñandéve añóntema hína.



Ñañepyrũ haõua:

Ñahendu mboyve

- Mymbakuéra piko oñe'ẽ avei teräpa nahániri?. Noñe'ëi ñandéicha ajépa?.
- Mba'éicha oikuauka ñandéve hembipota?.
- Mba'éichagua mymba jaguereko ñande rógape?.

Ñahendúta moñe'ëra hérava **Ka'i ha Karaja**, omoñe'ëvo ñandéve mbo'ehára:

Peteĩ jevy ojupi hikuái yvyra rakäre yva reka. Upe jave ou Tupãsy ho'u haõua yva. Ojerure chupekuéra oitymi haõua chupe yva oïva yvate.

Karaja ha Ka'i, pukahápe, oity chupe ipirekuénte.

Ipochy Tupãsy a he'i péicha:

-Toiko pendehegui mymba.

Ka'i ha Karaja upe ára guive yvyra rakäremante oiko.

Balbina Paredes de Torres ojapova'ekue.



Ñamba'apo ñane añomi

Jajeapysakapa rire, ñamba'apomi. Ja'éta mávapa pe oĩ poräva:

Moñe'ẽrã ñahendúva omombe'u :

- Ka'i rekovekue.
- ka'i ha Karaja rembiasakue.
- Ka'i ha Karaja rembiapovaikue.

Ka'i ha Karaja:

- Ho'upa yva ahéno.
- Ohepyme'ẽ yva.
- Ho'u yva yvyra rakäre.

Ka'i ha Karaja:

- Oñembohory ojuehe.
- Osapukái ka'aguýpe.
- Oñembohory Tupásyre.

Ñanemandu'ami jey ñahenduva'ékuére ha ñamomembe'u jey oikova'ekue oikohaguéicha.

Upevarã ñamoha'anga. Ha ta'anga rupive ñamombe'u jey oikova'ekue.

Ja'emi mba'éichapa jahecha Ka'i ha Karaja rembiapo. Jahechami mávapa ko'ã apytépe oho ñande ñañandúvare. Ñañomongetami hese ha ja'e mba'érepa jaiporavo umi jaiporavóva ko'ã apytépe:

- Ka'i ha Karaja ipy'a porã.
- Ka'i ha Karaja ndahekoporãi.
- Ka'i ha Karaja nomomba'éi avave hapíchápe.
- Ka'i ha Karaja péichante voi, ndañandepochýiva'erã upévare.

MBO'EPYRÃ ATY MOKÕIHA

MBORAYHU ASY

Ko mbo'epyrã atýpe, temimbo'ekuéra ikatupyrýta:

Ohendu ha oñe'ëkuaa:

- Oikuua mba'eraëpa ojehu ha hapykuéri omohenda hekopete umi ojehúva uperire, oñemombe'uhaguéicha.
- Omohenda porã omombe'úva oñepyrûha guive opa peve.
- Imandu'a ha omombe'u jey mba'e rehepa oñeñe'ë ha oñeñomongeta hína kuri omoambue'ŷre mba'eve omombykykuévo.
- Ohechakuaa umi oñemombe'úvapa oiko gueteri avei ko'ága rupi teräpa nahá-niri.
- Ojapo ijehogui, iñakâguinte mombe'urã ha mba'e.



Ñañepyrû hañua:

- Mba'éicha javérõ ja'e ñande rapicháre iñañaha?
- Jaikuaa piko ko purahéi?. Mba'e rehe oiméne héra "Causa neñaña?"
- Japorohayhúrõ piko ja'e kuaa ñane mborayhujára rehe iñañaha?. Mba'ere upéva?

Causa Neñaña

(Letra: Emiliano R. Fernández - Música: Diosnel Chase)

Asêtante aharei umi ka'aguy mbytére

Tajahéi che rekóvére marã piko aipotave

Neñañagui chendive ãicha chembopadeséva.

Ndereroviáigui ha'éva chereja tajeperde

Cristiana jepepa nde rejuva'ekue mundopýpe

Remyakŷvo tesaýpe tapemi cheguataha

Ndep'yápa chekamba chekambiávo otroitére

che apensava'ekue nde ykére aimévo che señora.

Kovamínte che kamba aheja ndéve ahakuévo

Che aha kuarahy reikévo ahekávo ka'aguy

Ndaipotavéima jasy hataindy omyasãi che 'ári

tovénte tou chepiári yvytu vevui'asy

Reíma che apensave ajuvévo ne rendápe
reiméma reimesehápe ne rembiayhúndie neaño
che ahátante aha'arõ la muerte cada momento
en vez de ko sufrimiento ombo'i che korasõ.



Ñamba'apo oñondivepa

- Ñahendu jey purahéi oimérõ nahesakãi ñandéve.
- Ñañomongetami ñane irû ndive ha ñamohesakã mba'épa he'ise :
 - Tajahéi che rekovére.
 - Cristiana jepepa nde rejuva'ekue mundopýpe.
 - Che aha kuarahy reikévo ahekávo ka'aguy.
 - Tovénte tou chepiári yvytu vevui asy.
- Ja'emi mba'éichagua temiandúpa omboaho'i ijapoharépe ajeve ohai umi ñe'ẽ ñamyesakãva'ekue.
- Ñañomongeta ha ñambohovái hesakãháicha ñandéve:
 - a. Mba'ére piko Kuña omboyke Karia'ype?
 - b. Mba'e piko oguerombyasy pe karia'y?
 - c. Mba'érepa pe karia'y he'i ohoseha ka'aguýre? Mba'éne piko pe "ka'aguy"?



Ñamba'apo oñondivepa

Ñañembyaty ha oñondive, ñañomoneta ha ñañeha'ã ñamboguapy ta'anga, kua-tia ñembosa'y térã ñoha'anga rupive mba'emba'e temiandúpa oñemoğuahẽuka ko purahéi rupive. Ikatu hina ñambojoja, techapyrärõnte, umi temiandu, ñande rekoha rehe:

- Mborayhu: kuarahy resẽ... kuarahy reike... yvotyty...
- Mborayhu'ŷ: arai, arasunu... ha péicha, jaipuru ñande rekoha rehegua ñaipytyvõ hağua ñane rembiapo.

- Jahechaukakuévo ñane rembiapo, ñamohesakã porã ñane remiandu pe oñemombe'úva rehe purahéipe.
- Ja'éta ñane irünguérape, añetehápe mba'épa oñemombe'u: Umi jaikuaa porãva oikoha añetehápe.
- Ja'éta avei chupekuéra umi ñane remimo'äquinte osëva: ñande ja'éva ñandehegui mba'érepa oiko, mba'épa oiméne oñandu ha mba'e.



Jahechauka hağua arandu mbo'epy rehegua

Ñane irünguéra ohechaukávo hembiapo, jajesareko porãva'erã mba'éichapa omombe'u hikuái ha upekuévo, ñañemoaranduve ha avei ñaipytyvõ ichupekuéra oimérõ noñporãiva hembiapópe ha ikatúva ojapo porãve.

- Opavavépa oñe'ě ijatykuérape.
- Oñeha'ãpa hikuái oipuru ñe'ëporavopyre.
- Nombojoparareíripa hikuái, oñeha'ãpa he'imeme hağua guaraníme he'iséva.
- Omoñepyrüpa hikuái oñepyrühağuáicha: omombe'u mba'e rehepa oñe'ëta, oñe'ënguérape, omohenda he'íva hesakã hağuáicha ñandéve umi he'iséva, nombojeheapái ojuehe he'iséva; ojoaju porã ojuehe hemimo'äkuéra ha upéi, igústo pe omombe'uháicha.



Ñañepyrū hağua:

Pytyvõhára omoñe'ẽmboyve, ñamaña ta'angáre ha ja'e:
Mba'épa oñandúne kuña ha kuimba'e oñoaňuáva?
Mávapa ope ohótava, karia'y térra kuñataĩ... ohónepa mombyry?
Ahamapara'e mombyrymi che rógogui? Moõpa ahara'e? Mba'éichapa añañandu
upe jave?
Ndaħairō gueteri moõve: Aħasépa? Mba'éichapa añañandúne? Mba'erepa?

Ñamba'apomieve jahávo!

Ñahendumi kiririhámete ñane pytyvõhára omoñe'ẽrō:

Ahámante ndehegui

Jajuehejámante ipaha,
rohejáta che kyvy,
nendivéma ndikatúi
che mborayhu ipoty.

Roaňuámante ipaha,
tesaýpe romboykue,
rohayhúramo jepe
ndikatuvéima apyta.

Mokōivéva jajoayhu,
mokōivéva jasufri,
ñamanoite peve jaraháne
ñane korasõme, mbytete,
mborayhu aňeteguáva
ndaikatúiva ñamboyke.



Oñondive ndikatúi,
ijára nde rekove
che rekovéicha avei
ha upévarema aha
ndehegui mombyryete.

Mburukuja rembiapokue.



Ñamba'apo oñondivepa

- Aiporavo peteñ che irürã, ha hendive:
 - Oremandu'a jey ñe'epoty ambuérre ha romombe'u oremandu'áva ichugui. Uperire, ro'e mba'épepa ojojogua ko ñe'epoty ha ambue rohenduva'ekue. Oimérõ oreresaráima, rojerure jey mbo'ehárape tomoñe'ẽ jey.
 - Ro'e mba'érepa rohecha upéicha.
 - Oremandu'ávo upe ñe'epotýre, oremandu'apaite oje'eva'ekue oikoha, ku oñemombe'uhaguéicha.
 - Roñembyaty irundy ore irũ ndive, ha romba'apo "Ahámante ndehegui" rehe:
 - Mba'ére ndikatúi opyta oñondive hikuái?. Mba'éicha reikuua upéva?
 - Oiko piko ko'ága rupi upéicha avei? Oĩ piko tembireko ha ména ojopoíva? Mba'ére oiko umi mba'e?
 - Mba'e jaguerekova'erã ñande rogapýpe ani haãua ñane familia oñembyai?
 - Mba'éicha ojoguereko'arã kuña ha kuimba'e ani haãua imborayhu oso?
 - Jahecháramo hetaha umi mba'e ko'ága rupi, mba'e mbuku ikatu ñande jajapo ani haãua oikove.
 - Añete piko kuña añónte oñeha'áva'erã ani haãua opa mborayhu? Mba'ere piko ere?
 - Mba'e ajapota che che mborayhu imbareteve haãua?

Ñañomoneta ko'ã mba'ére ñane irünguéra ndive ha oñondivepa ja'e mba'éicha va'eräpa mborayhu ani haãua oso térra kuña ha kuimba'e ojopoi ojuehegui. Ñande pytyvõhára ohai:

MBORAYHU:

- Ñañomoirū ñande rapicha ndive, ha ñañemandu'ami jevy Mburukuja ñe'ẽpotýre. Tekotevérõ, jajerure jey pytyvöhárape tomoñe'ẽ jey ñandéve. Ñañomoneta
- Mba'étepa ojehu ichupekuéra ra'e?
- Mba'éichapa ahecha che upe ojehúva chupekuéra?
- Chéve ojehu ramo, mba'e ajapón?
- Roñomogetami rire ko'ã mba'e rehe ore pytyvöhára ndive, oreañohápe romba'apo:



Ñamba'apo ñane añomi

- Ajapo mombe'urā ñe'ẽpotýgui, aña'ẽhápente, ahaí'ŷre:
- Ambohéra kuña ojekuaáva ta'angape, oaňuáva hína karia'ýpe:
- Ambohéra kuimba'e oporaňuáva:
- Ha'e omendávapa hikuái teräpa nahániri, ha mba'érepa ha'e upéva:
- Ha'emba'épa he'i hikuái ojupe ojedespedikuévo:
- Ha'e avei mba'épa ojapóta kuña oho rire karia'y ykéregui.
- Ha'e avei mba'épa ojapóta karia'y.
- Ko'ãva, terä ambue mba'ére, ajepy'amongoeta ha che akägui ajapo peteĩ mombe'urā mbykymi.

Ajapokuévo mombe'urā, pytyvöhára chepytyvõ ikatu hağua oguereko katuete ko'ã mba'e:

- Héra.
- Iñepyrümby.
- Mba'epa ojehu.
- Mba'éichapa opa.

- Avei, ajapokuévo mombe'umi, ahechakuaava'erā tove iñepyrūmby guive opa peve oñembojoaju porā ojuehe umi ñe'ẽ aipurúva.
- Aikuaauka haǵua che rembiapo, añembyaty che irū ndive ha oñondive, romombe'u ojupe ore remabiapo.
- Romombe'u opavave ore irūme petētēi, ikatuha peve.



Jajesarekomi haǵua

Ñamoñepyrū jehaikuua rehegua jahávo:

Iporā jakesareko ha jaikuaakuua jahávo guaraní taikuéra,achegety ramo ojekuaáva:

Tai tuicháva:

A Ā C H E Ě G Ģ H I Ī J K L M M B N N D N G N T Ñ O Õ P R R R S T U V Y Ÿ

Tai michīva:

a ā ch e ē g ġ h i ī j k l m mb n nd ng nt ñ o õ p r rr s t u ū v y Ÿ

Pytyvōhára ndive jaikuua mba'éichapa ñamoñe'ẽ taikuéra.

Jajapoachegety tuicháva ha ñamoī ñane mbo'ehakotýpe jahechami haǵua jepi arako'ẽre.

Ñahendumi ñe'epoty ohaiva'ekue

GILBERTO RAMÍREZ SANTACRUZ

Ñane pytyvöhára omoñe'ẽ juky asy ñandéve.

POLCAS (o Biografías Campesinas)

Ka'aru amangy che año peteĩ,

nosẽi kuarahy che rasẽ rei;

avevesete che pepo akỹ,

tuju apére aguapy guapy.

Ka'aru amangy ha nde nereiméi,

che py'a rasy aropurahéi;

mamópa reime nde che ñasaindy,

cheko pyhare pe nde rehe'ŷ.

Aháta aheka ahejava`ekue,

ajuhu vaerã amano mboyve.

Ko'ape opyta che rekovekue

ha ko amangy to mbogue mbogue.

Ka'aru amangy che tarovaite,

ambiyasy asy roheja hague;

hi'ante je'y rojuru pyte,

jepémo huguy ko ñande rembe.



Ka'aru amangy mba'épa ere,

hi'ã che mboyku, upéi cheipyte;

anga tajuhu ahayhu vaekue

ha mbeguekatu tamboykue mboykue.

Aháta aheka aheja vaekue,

ajuhu vaerã amano mboyve.

Ko'ape opyta che rekovekue

ha ko amangy to mbogue mbogue.

Ñahendupa rire pytvõhára omoñe'ẽrõ, ñañomonagetami :

- Pe ñe'ẽpoty réra piko he'i ndéve mba'épa oĩ hyepýpe terãpa nahániri? Mba'érepa?
- Ere peteĩ mba'e reñandúva ehendupa rire ñe'ẽpoty. Emombe'u mba'érepa re-ñandu péicha.



Ñamba'apo oñondivepa

Ñañembyaty irundy térã po temimbo'e oñondive ha ñamba'apo ñamohesakãvo ñahenduva'ekue.

1. Oñondive ñamohesakã mba'eichagua temiandúpa omoğuahẽ ñandéve ñe'ẽpoty, ha umi temiandukuéra ñambosa'y; upéva hína he'ise ñañemoïha peteĩ ñe'ẽme ja'e hağua tembiasýpa pytã terápa hüngy... ha mba'érepa. Jahechava'erã irundy térã po temiandu omoguahẽva pe ñe'ẽpoty. Ñamboguapy kuatiáre umi sa'ykuéra jahechauka hağua ñane irünguérape.
2. Jajapo kuatia ku'i rupive mba'épa omoğuahẽ ñandéve ñe'ẽpoty. Upépe ñamoha'anga ha ñamohenda haihára remiandu. Jaipuru diario, revista ha opaichagua kuatiahaiipyre ha'angáva guive, ha oñondive ñañemoï peteĩ ñe'ẽme jajapo hağua ñane rembiapo.
3. Jaipuru tuju ikatúva ñamoldea ha oñondive, jajapo ta'anga ohechaukáva temiandu omoğuahẽva ñe'ẽpoty. Umi ta'angakéra, oñondivepa, omobe'ujeya'erã haihára remiandu ha avei ñane remiandu. Ikatu avei jaipuru yvyra rogue, yvyra'i, yvyku'i ha ambue mba'e ñaneipytyvõva jaikuaauka hağua mba'épa he'ise ñe'ẽpotýpe.

Peteĩ aty ohasapa rire omobe'u ha ohechauka hembiapo, opytava'erã ohendu hağua mba'épa he'i ichupekuéra iñirũ ha pytvõhára, ha upéi ha'ekuéra he'iva'erã mba'éichapa ohecha pe oje'éva ichupekuéra.

MBO'EPYRÃ ATY MBOHAPYHA

MBA'APOHÁRA

Ko mbo'epyrã atýpe, temimbo'ekuéra ikatupyrýta:

- Ohechakuaa mba'épa oñandu umi oñeñe'ëvare téxto pe, ohechakuaarupi ñe'ëryrýi, ñe'ësoso, ñe'ëkunu'ú ha mba'e.
- Omoguahë hapichakuérape hemiandu ha hemimo'ã ohecháva rehe ta'angápe, terã moñe'ërä ohendúva rehe.
- Omohenda porã omombe'úva oñepyrûhagui opa peve.
- Imandu'a ha omombe'u jey mba'é rehepa oñeñe'ë.
- Ohechakuaa umi oñemombe'úva jehaipyrépepa ikatu oiméne ojehu teräpa oñeimo'ëreiva reheguánte
- Omohenda porã omombe'úva oñepyrûhagui opa peve.
- Imandu'a ha omombe'u jey mba'e rehepa oñeñe'ë.
- Ombojoaju taikuéra hyapu ndive ohaikuévo.



Ñañepyrûmi hağua:

Jajesareko porãmi ko'ã ta'anga rehe:



Ñañomongetami:

- Mba'épepa ombo'apo umi kuña jahecháva ta'angápe?
- Ombo'apópa hógaope téräpa nahániri. Mba'erepa ere?
- Oípa kuña ohóva tetã ambuépe ombo'apo hağua umichagua tembiapópe?
- Mba'erepa oiméne oho ñane retägui kuña paraguái ombo'apo hağua tetã ambuépe?
- Mba'éichapa oiméne ohasa hikuái upe mombyryha rupi, ohasa asýnepa téräpa nahániri? Mba'erepa ere?

Jajesarekomieve ko'ãva rehe:



Ñamba'apo oñondivepa

Ñamoirū ñañomoneta ha ñambohovái ko'ã mba'e:

- Umi mba'apohára jahecháva ko'ape piko oĩ gueteri ñane retäpýre térapa nahániri. Mba'épa reñandu reheckávo ichupekuéra?. Oiméne piko ohasa porã hikuái térapa nahániri?. Mba'érepa ere?. Hembýnepa ichupekuéra ikatu haãua ojogua oikotevë-míva teräpa híuprãnte ohupytyne hikuái?.
- Mba'éichagua mba'apohárappa oikotevë ñane retä nde reheckaháicha. Umivaräpa oñemoaranduva'erã terápa nahániri?.

Ñambohovái rire, ñañembyaty irundy térra po oñondive ha ñañemoĩ peteĩ ñe'ẽme ñamoõuhé haãua ñane remimo'ã ñane irünguérape.

Ñamombe'ukuévo ñane rembiapo, jajesareko porã ñane irünguéra rehe jahechápa hesakã ichupekuéra ja'éva. Upéi jaheja ichupekuéra toporandu ñandéve oikuaase-véva.

Iporã upéi ñahendu mba'épa he'i pytyvöhára ñane rembiapóre ikatu haãuaicha ñañe'ẽ porâve jahávo. Ha ñahendumí avei mba'épa he'i ñane irünguéra.

Iporā jahugami oñondive. Jajesareko ko escalera rehe ha jajapo ojeruréva upépe. Pytyvöhára ñanepytyvõta upevarã. Ndajajapói ramo he'iháicha, jaguejy jevy peteñ escalón.



Pe mitā'i ojekuaáva pépe piko iñakā-ne térra iñarandu, mba'erepa ere?; mba'éichapa rehecha pe imbo'ehárape, oipytyvõtapa ichupe terāpa nahániri?; eremi mba'éichapa rehecha mbo'ehára rembiapo



Nde hina pe hasýva: emombe'umi mba'épa epoñandu pohanohárape ha mba'épa he'i ndéve; mba'épa ojehu ndéve ha mba'éichapa reñenandu; rejerovíápa pohanohárare térrapa nahániri

Nde hina ko mba'apohára. Eremi mba'épa rejapo; mávape ñuarã; mboýpa ojehepyme'ëta ndéve; mboýpa ombo'apo nendive; ndépa remba'apose siempre pélvape térrapa remomabuese ne profesión.



Kóva nde rogaykeregua: eremi mba'épepa ombo'apo, moõpa oï, mba'éichapa herá; mba'etépa ojehu hina; emombe'umi mba'éichapa ha'e...



Iporā ñanemandu'a jahugakuévo, pe ja'éva ja'e poräva'eräha; upéva he'ise hína ñamohenda poräva'eräha ñane ñe'ë, ñambojoaju poräva'eräha ojuehe ha ja'eväraha umi omohesakäporäva rehuguánte ñane remimo'ã.

JAHAIÑEPYRÚ HAĞUA:

Pu'ae jurugua ha tīgua



Ñañomonagetami:

- Mba'ém̄ba'epa rehuga yma ñane mitāme?.
- Mba'épa reñandu nemandu'ávo umívare?.
- Mba'em̄ba'épa ohuga mitā ko'ağagua?.

Yma rohuga tikichuélá...valítá valítá...tuka'ẽ kañy...pelota muerta...

Umíva oremoağui ojuehegui... roñemoi'arã peteñ ñe'ẽme rohuga hağua.

Ñambohováimi:

- Mba'e ohuga mitānguéra ta'angapegua?
- Mba'éicha oĩ hikuái?, Ja'emi mba'éichapa jahecha ichupekuéra.

Ko árape hi'ã ñañemoarandumieve guarani taikuéra rehe jahaikuaa hağua. Upevarã jaikuaa porãta umiachegety apytépe mba'éichapa oñemohenda taikuéra. Jahugamí pytvõhára ndive maravichu, maravichu...

Maravichu... maravichu

mba'embotepa...

yva pahápe aĩ

akã pahápe avei

porã ha vaípe aime

Ype apére aiko... (a- ã)

ñe'ẽ porãme aime
ere chéve mávapa che (e-ẽ)

Arai morotõme aĩme
mita'ĩ sarakípe avei (i-ĩ)

yvyra pirúpe ajogua
ha che akã ári kyta
Jagquarete ñarõ kororõme
oĩ mbohapy jey
namichãi apu'ápe ajogua (o-õ)

Hu'u ha hu' ūme aike
kururúpe aĩ mbohapy jey
ha mbóipe ndachejái (u-ũ)

Ysyry satĩ ñepyrũ ha
ipahápe che juhu
pore'ŷ ndaipóri che rehe'ŷ (y-ŷ)

Ápe jahecha oĩha:

a-ã
e-ẽ
i-ĩ
o-õ
u-ũ
y-ŷ

Ñambohovái

Mba'éichapa ipu ko'ã tai?



Jaikuaave hāgua

Ko'ãva hína pu'ae: Pu'ae ha'e pe tai hyapúva ijehegui.

Guaraníme oĩ pakõi pu'ae

- poteĩ jurugua : a, e, i, o, u, y

ha

- poteĩ tīguia : ã, ē, ī, õ, ū, ū

- Jajesarekomi ko'ã ñe'ere ha jajuhu pu'aekuéra ha ja'e jurugua térapa tīguia:



japepo



mitāra'y



Pety




okẽ



pytū



mokõi



tī

- Ja'e ñane akāgui ñe'ẽ oguerekóva pu'ae jurugua ha tīguia.
- Jahai ñandekuatiaháipe umi pu'aekuéra ha ñañeha'ã osẽ porã peve ñandéve.



Ñamba'apo ñane añomi

Ñamba'apomieve ñandekatupyru hağua:

- Ñamoī pu'ae ko'ã ñe'ẽme:



Ak_r_gu_

j_r_

T_es_



j_v_

t_t_m_

ku_

- Ñamoñe'ẽ mbo'ehára ndive ha upéi, ñane mbo'ehára ndive jahecha mba'épa jahaise guaraníme ha ñañeha'ã jahai ñaneaño.

- Jajesareko porã ta'angáre, ja'e herakuéra.
- Jajapysaka porã mba'éichapa hyapu umi herakuéra, ha ñanemandu'a mba'eichagua taípa japirova'erã jahai hañua herakuéra.



ku_t_a



y_yr_



sa_u'_



y_yt_



ku_ur_



j_s_



k_ar_h_




a_a_o_a



Ñamba'apo oñondivepa

- Ñañembyaty mokōi térrā mbohapy irū oñondive ha jaipuru taikuéra oīva mba'yrúpe jajapo hağua ichugui ñe'ënguéra.
- Ñaha'ã mávapa ojapo hetave ñe'ë.



Ñambojoaju ta'anga herakuéra ndive.

Typycha.



Mandi'o.



Yva.



Juky.




Kurapepẽ.



Óga.



ao



Ápe oī ñe'ẽ pehē oikotevēva nderehe ojoaju porā ojuehe ha oiko haǵua ichugui ñe'ẽ. Eñeha'ämína embojoaju ha ejapo heta ñe'ẽ:

re tŷ õ mi ko ñe 'ku ty je ī
hu pe so y vi a ta re ña sū

Ñañeha'ã oñondive máva ojapo hetave ñe'ẽ ha jahai umiva ñande kuatiahaípe.

Pytyvõhára ñanepytyvõ jajapo haõua ñe'ëjoaju ichuguikuéra ha umíva ñamoñe'ë jevy ñane irünquéape.

Iporã ko'ã ñe'ẽpehẽ ikatu avei jajapo kuatia hatãva reheguágui ha jagueru mbo'ehaópe jaipuru haãua. Jaguerekokuuaa heta voi péichagua ikatu haãua jaipuru mokõi oñoirũ oñondiye.



Jajesarekomi haǵua

Jaikuaamieve guaraní reheguá jahai poräve hañua jahávo:

- Ko'ã tai katu jaipurukuaa jahaítaramo umi ñe'ẽ guarani oipurúva ñe'ẽ ambuégui.

d – f – II

Techapyrā:

-Fideo.

- l lanta

- Ko'ā tai castellan

b - c - q -

Techap

-Vosa.

-Karai.

- Kesu.

-Sapatu.

- Ol tal guaraní seguava ipu joavyva castellano peguado ch-i-h-y

Tai ch jaipuru hāgua hekopete:

- Ñañembosaráivo ñamoñe'ëta kûjererã. Ñamombyta ñane akâme ha upéi ñaha'ã ñane irû ndive mávapa he'i pya'eve.

Ijao chara cha'ñ.

Chalái ijao chapí,

Ijao chalái chara chapí .

(Ma. Elvira Martínez de Campos)

- Kûjererägui ñañuenohëta ñe'ë ogurekóva guive "ch".
- Ñamoñe'ëmi ko marandu.

- Ñamoñe'ëmi ko'ã ñe'ëjoaju. Jajepysakáta ñane irû rehe ha ja'e chupe he'i porã térra he'i vaípa.
 - a. Che ha'use chicharõ.
 - b. Mbokaja apíme che japi ka'i.
 - c. Chipa ojapo ha'eño Chive.
 - d. Ña Chini ojapo mbeju.

Tai "j" jaipuru hāgua hekopete:

- Ñamoñe'ëmi ko ñe'ëpoty.

Tajy

Iporãite tajy.

Ipoty sa'yju.

Hetáma yvoty.

Yvýpe okukúi.

- Ñañuenohëmi ñe'ë oguerekóva guive tai "j".

Jaikuaave hāgua



Tai (létra) "ch" guarani ñe'ëme ndaipúi castellano peguáicha. Ipu ingléspe ipuháicha (sh).

Ñañeha'ava'erã ñambopu porã ko tai, háke sapy'ante oï ombohyapuséva "j" icha.

Jaikuaave hāgua



Ñamoñe'ëmi ko marandu.

Guarani ñe'ëme pundie "j" ndaipúi pe castellano peguáicha, ipu inglés ha francés-pe ipuháicha.

- Ñambojoajumi tai “j” opavave pu’ae rehe jajapóvo ñe’ẽpehẽ ha jahai ñe’ẽ oguerrekóva umi ñe’ẽpehẽ.

Tai “h” jaipuru hağua hekopete:

- Japuraheijoaité “Che symi porã” vore.

Arekóva iñongatuhápe.

Amo che ánga ruguápe.

Che sy ne mborayhumi.

Avave nōguahẽi hendápe.

Ha pe kuarahy ratáicha.

Ohesape ha omimbi.

(Mauricio Cardozo Ocampos)

- Ñāguenohẽ purahéigui umi ñe’ẽ oguerrekóva tai “h”.
- Ñamohesakãvo tai “h” jepuru guaraníme ñamoñe’ẽmi marandu hesegua:
- Jahekáta ñe’ẽ oguerrekóva tai “h”, ñamoñe’ẽ ha jahai.



Jaikuaave hağua

Tai “h” castellánope ndaipúi. Guaraníme katu ipu inglés téřã alemánpe ipuháicha ha avei Alfabeto Fonético Internacional he’iháicha. Ojejavy ojehaíramo “jh”.

MBO'EPYRÃ ATY IRUNDYHA

TEMBI'U PARAGUÁI

Ko mbo'epyrã atýpe, temimbo'ekuéra ikatupyrýta:

- Ohechakuaa pe kuatiahái pa mba'éichagua (pohã rehigua, tembi'u apo rehigua, ñe'ëpoty, memorándum, afiche, logotipo, ha mba'e.)
- Oikuua porã mba'emba'érepa oñeñe'ẽ texto (moñe'ërã, ñe'ëpoty, purahéi...) ohendúvape ha oguenohékuaa ichugui ikarakukuete.
- Oikuua mba'eraëpa ojehu ha hapykuéri omohenda hekopete umi ojehúva uperire, oñemombe'uhaguéicha.
- Oñomongeta iñirünguéra ndive ha he'i hemiandu oporapo'i terã oñembohory'ŷre hapicha remiandúre.
- Imandu'a ha omombe'u jey mba'é rehepa oñeñe'ẽ ha oñeñomongeta hína kuri omoambue'ŷre mba'eve omombykykuévo.
- Ojapo ijehogui, iñakäguinte mombe'urã ha mba'e.



Ñañepyrû hañua

Tembi'u



Chipa so'o



Chipa



- Mba'éichagua tembi'u ha'useve?
- Ajapokuaa tembi'u Paraguái? Mba'éichagua?
- Mba'éichagua tembi'u jajapo avati ha kesúgui?
- Mba'égui ojejapo tembi'u jahecháva ta'angápe?



Ñamba'apo ñane añomi

Ja'emi mba'éichagua tembi'úpa jajapokuua ñambojoajúrō ojuehe ko'áva :

so'o
chipa
guasu

piru
pe
apu'a

Pytyvõharándi ñamba'apo; ja'e chupe peteñ tembi'u jajapóva jepi réra ha mba'éichagua ingrediente ogueraha; ñane pytyvõhára ohai ohóvo umíva. Upéi ja'e ichupe mba'emba'épa ojapo'arã ha mboypa oñembohatava'erã ojy hağua.

Ñañomongetami pytyvõhára ohaíva rehe ha jahechakuaa ñande jajapokuua hetá mba'e ha oiméne hetápe avei ñambo'e jaikoévo.

Ñamoñe'ëmi:

Tembi'u paraguái che ha'usetéva
Ndéichagua iporäva ndajajuhúi mamove
Nde juky, ne he'ë, nde saraki ha reveve
Avati, kamby, kesu, juky terä asuka
Kiveve, rora kamby térra mbaipýpe opa.
Mbeju, chipa guasu, chipa piru, chipa so'o..
So'o pe, so'o piru, so'o ku'i arroz
Terere rupa térra ekaru hağua iporänte avei.

Mburukuja rembiapo

Luque, enero 2011 jave.





Ñamba'apo oñondivepa

Ñambohovái hağua porandu:

- Tembi'u paraguái piko receta terã ñe'ẽpoty? Mba'éicha reikuua?
- Mba'épe ojoavy ñe'ẽpoty recétagui? Ha remañárõnte hese piko ikatúma reikuua ñe'ẽpotyha peteī haipyre? Mba'éré piko?



Jaikuaave hağua:

Hesakã hağua ñandéve peteī kuatiajehaipyre ningó, ñamanguévo hese ikatúma hína jahechakuaa mba'éichaguápa. Receta terã ambue kuatiañé he'íva ñandéve jajapova'erã, katuete:

- Oguerekova'erã peteī formato imba'eteéva, jahechávo, jaikuaáma voi ha'eha instructivo.
- Ipypyé omombe'uva'erã ñandéve mba'emba'épa jajapova'erã jahávo ñaguahé hağua ñaguahéshápe. He'ikuévo ñandéve mba'épa jajapova'erã, omanda ndéve, noporandúi ndéve ndegustápa térapa nahániri: ejapo'arã katuete he'iháicha ndéve.
- Upe jajapova'erã ogueraha papapy, raya terã asterisco ikatu hağuáicha jaikuaa mba'eraépa oiko ha mba'épa jajapova'erã uperire.
- Ogueraha jepi avei ta'anga omohesakäve hağua he'iséva.

Ñamba'apo oñondive, ñande atýpe:

1. Jaiporavo oñondive peteī póstre ñandegustavéva ha jajapo oñondive peteī receta. Jahai ingrediente kuéra ha upéi ñamboysýi mba'emba'épa jajapova'erã jahávo. Oñondive jahechami oĩ porãmbápa. Ja'epápa ja'eva'erã térra ñanderesarái marandu iñimportantevagui? Oĩ porãpa ojoapykuéri ojejapova'erã térapa jajavy'imi hina?
2. Ñaňeha'ãmi ñambo'e ñane irünguéra ndoikuaáivape mba'éichapa ojehai mensaje de texto peteī celulárpe. Jahai porã ha upéi ñamaña oimbápa umi oïva'erã. Ñanemandu'ake ñande nañaimemo'äiha hina upepe ñamoesakã hağua ja'eséva, ñande kuatiahai ijeheguiete oñe'ëva'erã ichupe.



Ñamba'apo ñane añomi

Jahechahaguéicha jahaikuévo receta, iporã manterei jajesareko jahai porãma jahávo. Eñeha'ämieve rehóvo avañe'ẽ jepuru porã rapykuéri, ejapokuévo ko'ã tembia-po, ne añoháperãe:

Emongora pe tai oguerekóva ñe'ẽ ojehai porãmbaitéva guaraníme.

- a. Umi yagua oñarõ pyharekue.
- ã. Che aguerekó heta mymba vaka.
- ch. Umi yvoty porãite jhyakuã asyete.
- e. Rehechápa amo cavaju morotí.
- ẽ. Ysyry guasúpe oĩ surubi ha pacú.
- g. Yno'õ oiháme katuete reyujúta heta sevo'i.
- ã. Umi amambái ombopiro'y pe ka'aguy.
- h. Tamora'e opavavete oñangareko ñande rekoja rehe.

Emongora pe tai oiháme ñe'ẽ ojehai vaíva guaraníme.

- a. Ñane retãme oĩ yvyty ndaijyvatéiva.
- ã. Ka'aguasu gotyo ymámi oĩ heta ka'aguy porã.
- ch. Chákope oikova'ekue ñorairõ tuychaitereíva.
- e. Timbo rakãre rejuhúta katuete peteñ alónso rupa.
- ẽ. Ógape aguerekó peteñ mbarakaya jhümíva.
- g. Eheja umi ypépe tojahu pe ysyrýpe.
- ã. Iporäiteniko pe tajy sa'yju.
- h. Ko'aãa rupi sa'íma oñeñotõ pe mba'ysyvo.

Jaikuaamína mba'éichapa jaipuruva'erã guaraníme pe muanduhe.

- Ñamoñe'emína (pytvöhára ndive) ñe'ẽpoty Gumersindo Ayala Aquino rembia-pokue.

Aikosénte

Aikosénte yvytûrõ
Ha nde ypýrupi ahasakuévo
Vevuimi roipejukuévo

Tahetū pe nde syva,
 Ha upéi ku mitā ñañáicha
 Tamyasäimba pe nde áva
 Iñapopē hyjuipáva
 Ha upe rire tahasa.

Aikosénte yvytúrō...
 Ha aimemi nde yvotytýpe
 Ha eju ne kuã apytépe
 Che po'o mbeguekatu
 Chemoĩ nde popytépe
 Ha aňoite reikuaháicha
 Chemoñe'é ku mitãicha
 Ha upe rire cheretū.

Aikosevénte yvotýrō
 Chemoĩ nde pyti'áre
 Taikómo nde jeguakarō
 Ha py'ýinte chemomorãvo
 Ejayvy ha cheretū,
 Ha upekuévo nde py'águi
 Enohẽ nde pukavýpe
 Rerekóva ne angapýpe
 Hendýtava ne mborayhu.

Aikosénte akãngytárō
 Ha aimemi pe ne akãguýpe
 Ñaneaño pe pytúnguýpe
 Tachejopy nde rova,
 Ha upeichahágui ndekéra
 Mbeguekatu rejerévo
 Nde juru ohasakuévo
 Ha'e tacheretümba.

Aikosénte ne mbo'ýrō...
 Nde ajúri ñasäingohápe,
 Taikove nde rayhupápe
 Upépente cheañomi
 Ha sapy'ánte rejaivývo
 Tahecha kiririhápe

Rerekóva ñemihápe...

Mokōi guyratīmimi.

Hi'ânte reikuua'ŷre
Aiko pe yva ajúrō
Ha ne rāi chembojurúvo
Ne rembe tacheptye
Che yuhei amboguévo
Tacheryapy nde rata,
Ha ağuahénguévo yvápe
Ta'u pe nde hiérete.

Ñañomongeta rire ñe'ẽpotýpe he'íva rehe, ja'emi mbeguekatu.

Aikosénte - tahetū - syva

Jahechami moōitépa ja'e mbareteve umi ñe'ë.

Peteī pu'ae niko katuete pe ja'e mbaretevéva ñe'ẽme. Upe ipu mbareteveha ikatu ojehechauka térã nahániri. Ojehechaukahína oñemořrō hi'ári peteī rraja'i (').

- Ñama'ẽmijeýna ñe'ẽpoty ha jahechami ipype mba'éichagua taípepa katuete opa.
 - Ñamoñe'ẽ ko marandy.

Mayma ñe'ẽ guaranimeguá opava'erã katuete pu'aépe. Umi pu'ae héra "Pu'ae paha".


- Ñāguenohēmi ñe'ēpotýgui po ñe'ē ha jahaiguy umívape ipu'ae paha.
 - Ñamoñe'ē porāmi umi ñe'ē ñāguenohēva'ekue jahechakuaa hāgua máva tai áripa ho'a pu mbareteve.
 - Ñambohovái ko porandu:
Mba'éichagua tai áripa ho'a pu mbareteve?.
 - Ñamoñe'ē ko marandu:

Guarani ñe'ẽme muanduhe ho'ava'erã katuete pu'ae ári. Upe pu'ae héra "pu'ae pu'atã".


- Ñamongora pu'ae pu'atā umi ñe'ẽ ñañguenohẽva'ekuépe.
 - Jahechamíta mba'eichaitépa oĩ umi ñe'ẽme pu'ae paha ha pu'ae pu'atā. Sapy'ánte ikatu pe pu'ae paha ha'e avei pu'ae pu'atā.
 - Jahaíta "Pph" pu'ae paha guýpe ha "Ppt" pu'ae pu'atā guýpe.

Tahyí óga jagua

- Jahechamíta mba'épepa ojojogua téřā ojoavy umi ñe'ẽ ha jajapo mokõi aty.



Ñe'enguéra oguerekóva pu'ae
pu'atã ndaha'éiva Pu'ae paha



Ñe'enguéra oguerekóva pu'ae
pu'atã ha'éva avei pu'ae paha.

Jahai mba'épa jahechakuaa:

.....
.....
.....

- Ñambohovái ko'ã porandu:

Guaraníme opavave ñe'ẽ oguereko muanduhe. Oĩ ñe'ẽ ojehaíva hi'ári pe muanduhe. Mba'éicha javépa upéva?

.....
.....
.....


Oĩ ñe'ẽ ndojehaíriva hi'ári muanduhe, upéva jahechakuaa ñahendúvonte. Mba'éicha javépa upéva?

.....
.....
.....

- Ñamombykývo ikatu ja'e kóicha:

Muanduhe pu'atã

Jahaíva ('): Pu'ae pu'atã ndaha'éiramo pu'ae paha. Techapyrã: ára, nerenoí, purahéi.



Ndajahaíriva: Pu'ae pu'atã ha'éramo pu'ae paha.

Techapyrã: mesa, apyka, kapi'i

Jajesareko porāva'erā jahai hağua muanduhe pu'atā, ikaturupi omoambue ja'eséva:

Ava – áva.

Yva – ýva.

Ype – ýpe.

Ara – ára.



Jahechauka hağua arandu ko mbo'epy rehegua

Jajapomi ko'ã tembiapo:

Jahai:

Po ñe'ẽ oguerekóva muanduhe jahaíva.

-
-
-
-

Po ñe'ẽ oguerekóva muanduhe ndojehaíriva.

-
-
-
-

Jahaiguy pu'ae pu'atā ko'ã ñe'ẽmegua ha ñamongora pu'ae paha.

Pykasu mamópa ára

Mbytépe eirete arai

- Jahai muanduhe pu'atā umi pu'ae pu'atā oikotevēva ári.

Ahata oikytī pya'e

Aguata rejutapa eguatake

- Jahai muanduhe pu'atā ñe'ẽ oikotevēvape.

- ▶ Che sy ho'u eira kesure.
- ▶ Ou karaikuera pe oga guasugui.
- ▶ Pe kuñatañ omondema ao overapava.
- ▶ Ajuta ne rendape jaha hağua tupaope.

MBO'EPYRÃ ATY POHA

TEMBIASAKUE

Ko mbo'epyrã atýpe, temimbo'ekuéra ikatupyrýta:

- Moñe'ẽrã ohendúvagui, ohekyikuaa: mavamávapa ojapo, mba'épa ojapo, mba'éichapa heko, moõpa ha araka'épa oiko oñemombe'úva.
- Ohechakuaa umi oñemombe'úvapa oiko gueteri avei ko'ága rupi terãpa nahá-niri.
- Iñakãgui omohu'ã ambueháicha ohendúva ha omosekã mba'erepa ojapo upéi-chá.
- Omombe'u porã mba'emba'épa ojapo jepi arako'ëre.
- Imandu'a ha omombe'u káso, maravichu, mombe'urã ha mba'e.
- Omobe'ukuaa mba'éichapa hekoha, mymbakuéra, ka'avo ha mba'e ku jahe-charõguáicha oñe'ënguévo.
- Ohaikuévo, oñeha'ã ilétra ohaijoja porã .
- Ohai porã jehaipyre oipurukuévo hekopete muanduhe, taikuéra, tĩgua re-chaukaháha ha mba'e.



Ñañepyrü haãua:

- Jaikuua piko Ka'i ha Karaja rembiasakue oñemombe'úva jaikoháre?
- Mba'éicha ojekuaa Ka'ípe: iñakãhata? Hova atã?
- Mba'éicha ojeikuaa Karajápe?
- Oí piko ñandepaytépe terã jaikoha rupi ojehleróva Ka'i térra Karaja?
- Mba'ére oje'e ichupekuéra upéicha?

Ñanemandu'ami, pytvöhára ndive, moñe'ẽrã Ka'i ha Karaja Balbina Paredes de Torres ojapova'ekue ha ñamoñe'ëmava'akue. Ñanemandu'akuévo, ja'emi mba'éichapa Ka'i reko:





- Isaraki.
- Iñakãhatã.
- Itie'ÿ.
- Oñemotenonde katuete hapicháre.
- Ha'e nosëvaíri araka'eve.
- Oñembohory mante'arã hapicháre....



Ñamba'apo oñondivepa

Jajesarekomi ta'angakuérare

Ka'i ha Karaja



Ñañembyaty, ha ñane akāgui, jajapo peteī Ka'i ha Karaja rembiasakue. Ñamоñepyrū hağua, ñamombe'uva'erā mávapa, moōpa, mba'erepa oñeñe'ëta. Ha upéi, jahai umi mba'e apu'ape mba'épa he'i hikuái ojupe.

- Ñamohu'ā hağua, ja'eva'erā mba'éichapa opa.
 - Ñamoñe'ë ñane rembiapo ñane irūnguéräpe ha ñahendu avei ha'ekuéra ojapova'ekue.
 - Jahecha ñandeaptyépe máva ikatu ojapo Ka'i ramo ha máva umi karajakuéra ha jajapo ñoha'anga ñane mbo'ehaokotýpe.
 - Ñamboguapýta ñane rembiapo peteī kuatiáre, ñamoñ hese ñande réra ha ñamoñ ñane mbo'ehaokotýpe ojehecha hağuáicha.
 - Jajapopa rire ko'ā tembiapo, jahechauaamíta ñande rekoháre, araka'e javépa oī :
- Heko Ka'iva:
► Heko Karajáva:

Ja'emi avei, ñandejehe, ñande reko ka'i jepipa teräpa nahániri. Mávapa ohechauka jepi ñandéve oimérō upéicha javérō?.



Jajesarekomi hağua:

- Jepive, ñandeaptyépe oī ñane irū ñandeheroséva peteī mymba ramo, opuka hağua ñanderehe. Naiporai ñaňombohory ojuehe. Iporā ñaňohenói ojupe ñande réra teē rupi ha ñanemandu'a avei mymbakuéra ñane irūha ko yvyape ári ha ñanepytyvõ hikuái opaite mba'épe.

Jaikuaave hağua jahávo:

Umi moñe'ëra oguerekóva mymba oñe'ëva yvyporarõguáicha ha omobe'úva hembiasakue niko mombeurā heráva káso. Ñane retäpýre heta oī mymba rehegua káso, ha oī avei káso oguerekóva yvypóra rembiasakue.

Umíva ndojekuaavéima voi máva ijapohare, ohasa ñandéve ñande ypykuéragui ha heta jey, oīma tapicha iňakā poräva ha ojapo ijehegui káso pyahu.





Ñamba'apo oñondivepa

Ñamoñe'ëmi oñondive ko mombe'urā:

Ka'a

Oikójeraka'e peteĩ karai ohayuetereíva itajýra peteĩme: peteĩ mitäkuña iporã ha imarangatúva. Itúva hakate'yeterei hese ha ndoi-kuaái mba'ëpa ojapóta ani hağua ojehu ichupe mba'eve ivaíva ha ha'e oikuua ko yvy apére oïha heta tekove ñaña.

Upévare pe karai ogueraha mombyry itajýrape okyhyjégui umi mba'e vaígui. Oho avei hendive hembireko. Heta oguata rire oike hikuái peteĩ ka'aguy tuichávape ha upépe opyta oiko hağua.

Upépe pe karai oñemítÿ ha sapy'ante oï ára ndoguerekoiha mba'eve ho'uva'erã; upéicharamo oheka ka'aguýre yva térra eíra ho'u hağua. Heta ára upéicha ohasa'asy. Ko'ä mba'e nomokangýi chupekuéra ha ko'eko'ërente oñemítÿve hikuái.

Peteĩ jevy oğuahë hogapekuéra peteĩ karai tujami ha he'i óga járape:

-Ikatúpa apytami ko pyhare akemi pende rógape.

Omonéi chupe óga jára ha he'i itajýrape:

-Tereho che rajy, umi mba'emimi jarekóva ñane rembi'urã eme'ë ko karaípe, oime'aräniko iñembyahýi.

Ha upéicha ome'ëmba umi mba'e oguerekomíva upe karai poriahú-pe. Upéi ko'ë rire pe karai ojekuaauka óga járape ha'eha Ñandejára remimbou. He'i óga járape:

-Ñandejáraniko ohepyme'ëse ndéve reñangareko porã rehe nde rajýre. Ani hağua ojehu chupe mba'eve ivaíva ha omano'ÿ hağua araka'eve, ajapóta chugui ka'avo. Ága guive ñahenóita chupe ka'a. Heta mba'e vai ha iporäva ikatúta ko'águi ojejapo. Nde rajy araka'eve no manomo'äi. Oñekytimbáramo jepe hakä, heñói pyahu jevýta ha iporävéta.

Ha péicha, ko mitäkuña porägui oikóra'e pe mba'e ojepurúva heta mba'erã ha ojekuaáva opárupi, hérava Ka'a.

Oiháicha Pedro Moliniers kuatiahaípe.



Ñamba'apo ñane añomi

- Ñamohesakāmi ñe'ẽ ndajaikuaaporāiva mba'épa he'ise:



Ñamba'apo oñondivepa

- Ñañomongetamína ko'áva rehe, ha ja'e hesekuéra mba'éichapa hikuái:
 - Mitäkuña túva: _____
 - Mitäkuña: _____
 - Mitäkuña sy; _____
 - Karai Tujami Ñandejára remimbou: _____

Ñañembytay ha jaiko ñande apytépe ku ñandérõguáicha ha'ekuéra, ha ja'emi mba'épa ñañandu ha mba'épa jajapóne ñandéramo ha'ekuéra. Jajapóne piko peicha jey terã nahániri? Mba'ere?

- Mitäkuña túva: _____
- Mitäkuña: _____
- Mitäkuña sy; _____
- Karai Tujami Ñandejára remimbou: _____

Ñamboguapy kuatiáre “Ka'a” pyahu jajapóva ñande ñandejehegui ñamoambuévo ñamoñe'ëva'ekue:

- Jahechami mba'e porã (valores) oguerekóva ko mombe'urã:

- Oĩ gueteri piko ñande rapicha ogueroviáva ko'ãichagua mombe'urã? Mba'ére upéva? Mba'éicha rehecha nde upe mba'e?

- Jahayhueterereírõ peteĩ mba'e (térra peteĩ yvypóra) piko iporã jaguerokañy ani avave ombyai ñandehegui, terã nahániri? Mba'ére?



Jahechauka hañua arandu mbo'epy rehegua

- Ñamohu'ã hañua ko mbo'epyaty, ñañembyaty oñondive ha jahechakuaami:
 - ▶ Mba'e pyhahúpa jaipyhy?.
 - ▶ Mba'éichapa ñaaprende porãve, mba'épa jahecha ramove?.
 - ▶ Mba'épa ikatu ñambo'e ñande rapichápe?.

ARANDUKA OJEIPURUVA OJEJAPO HAÑUA KO TEMBIAPO

- Acosta, F. (2000) *Ñe'ëporähaipyre Guarani*. Asunción: Editorial Marben.
- Acosta, F. et al. *Ñemity*. Revista Bilingüe de Cultura. Asunción. Num. 1 al 25.
- Acosta, F. (1994) *Tuguaijetapa*. Edición del autor. Asunción, Paraguay.
- Acosta, F. (1997) *Ypekü*. Asunción: Edición del autor.
- Acosta, F. & Vigo, S. (1998) *Ko'ëmbota 2,3,4,5,6*. Asunción: Ed. Marben.
- Acosta, F. (1997) *Suruku'a*. Asunción: Edición del autor. Asunción.
- Aguilera, D. A. (1996) *Ñe'ënga*. CEPAG. Asunción.
- Armatto de Welti, Z. (1995) *Diccionario Guarani de Usos*. Córdoba: Editorial Fundación Ross.
- Cadogan, L. (1992) *Ayvu rapyta*. Asunción: Editorial Color.
- Cassany, D. y otros. (1994) *Enseñar Lengua*. Tomo II. Barcelona: Editorial Graó.
- Constitución Nacional de la República del Paraguay*. (2004) Justicia Electoral. Banco Interamericano de Desarrollo. Asunción.
- Dejuán Espinet, M. (1997) *La comunicación en una clase de español como segunda lengua*. Madrid: La Factoría.
- Guash, A. & Ortiz, D. (2001) *Diccionario Castellano – Guarani – Guarani – Castellano / Asunción*. CEPAC, 2001.
- Krivoshein de Canese, N. et al. (1992) *Jaleéna Guaraníme*. Base-Ecta/Diócesis de Concepción. Asunción.
- Lope Blanche, J. M. (1987). *Análisis gramatical del discurso*. México, D.F.: UNAM.
- Ministerio de Educación y Culto. (1993) *Delineamientos Curriculares de la Educación Escolar Básica / MEC*.
- Ministerio de Educación y Culto. (1998) *Guía para el planteamiento a nivel escolar / MEC /FNUAP*. – Asunción: MEC, FNUAP.
- Ministerio de Educación y Culto. (1998) *Materiales de Educación a Distancia / MEC, AECI / ONG*. – Asunción: MEC, AECI / ONG.
- Ministerio de Educación y Culto. (1995) *Programa de alfabetización bilingüe / Dirección de Educación de Jóvenes y Adultos*. – Asunción: MEC.
- Ministerio de Educación y Cultura. (2010) *Programas de Estudio del 1º al 3er. Ciclo*.

Ministerio de Educación y Culto. (1995) *Pytyvorä*. Guía didáctica para el aprendizaje del guaraní como lengua materna. Módulos I, II y III / MEC. – Asunción: MEC.

Moliniers, P. (1995) *Guarani Moköiha*, Asunción.

Morínigo, M. A. (1931) *Hispanismos en el Guaraní*. Buenos Aires: Talleres S.A Casa Jacobo Peuser.

Morínigo, M. A. (1990) *Raíz y Destino del Guarani*. Biblioteca Paraguaya de Antropología Universidad Católica, Volumen 8, Asunción.

Paeba. (1995) *Programación Pedagógica y Módulos I, II y III*. – El Salvador: Libros de Centro América.

Richard, J. & Rodger, T. (1997) *Enfoques y métodos en la enseñanza de idiomas*. Cambridge, 1997

Stubbs, M. (1987). *Análisis del discurso: análisis sociolingüístico del lenguaje natural*. Madrid: Alianza Editorial.

Van Dijk, T. A. (1980). *Estructura y funciones del discurso*. México, D.F.: Siglo Veintiuno.

*Material “*Tembiaporä ojehai poräve haçua guaranime*” elaborado por la Lic. Nancy Oilda Benítez Ojeda, en archivo sin publicar.